

12 September 2013

Jaargang 6 – Uitgawe 30

In hierdie uitgawe

- Voorblad
- Predikante en gemeentes
- Ander nuus
- Agterblad



Teken in op die e-Hervormer en ontvang elke uitgawe gratis per e-pos!

• Stuur 'n e-pos aan karen@nhk.co.za

Nuus, berigte en kort kommentaar (uiters 100 woorde) aan produksie@nhk.co.za



Skakels

Webblad van die Hervormde Kerk www.nhka.org

Die Hervormer www.hervormer.co.za

e-Hervormer www.hervormer.co.za/e_Hervormer.html

Indien u nie weer die e-Hervormer wil ontvang nie, stuur 'n e-pos na karen@nhk.co.za

VOORBLAD

Wat gaan by die 70ste AKV gebeur?

Die 70ste Algemene Kerkvergadering is voor die deur. Oor hierdie vergadering word baie gepraat, gedink en gedroom. Baie lidmate sien met opgewondenheid en hoë verwagtings uit na die vergadering. Baie lidmate is diep bekommerd oor die uitkomst van die vergadering. Die vraag is op feitlik elke Hervormer se lippe: Wat gaan tydens hierdie vergadering gebeur?

Natuurlik glo ons dat die wil van die Here sal geskied. Ek hoop en ek bid dat na afloop van die vergadering elke lidmaat en almal wat van ons Kerk kennis geneem het, sal sê: Waarlik, met hierdie mense het gebeur wat Paulus in Filippense 1: 9 bid: **Hul liefde het al hoe meer geword sodat hulle met begrip en fyn aanvoeling die dinge onderskei het waarop dit aankom. Dit is: liefde, liefde vir Jesus Christus.** In die kerk gaan dit in die eerste en die laaste plek onder alle omstandighede, om Hom, sy eer, sy aanbidding, die verkondiging van sy Woord.

Mag dit so wees dat elkeen wat ná die AKV besluit oor sy of haar toekomstige deelname aan die Kerk die volgende kritiese vrae aan hom- of haarself sal vra: Het Jesus Christus en sy koninkryk die hart van my besluit gevorm? Het ek besluit om in die Hervormde Kerk te bly of om dit te verlaat nadat ek onbevange geluister het na die Woord van die Here? Het ek, onbevange, Jesus en sy boodskap van liefde in die middelpunt geplaas, of het ek nie miskien meer geluister na my eie gevoel, verstand, politieke oortuiging of enige ander beskouing van enkele mense nie? Het ek regtig in alle eerlikheid op grond van my liefde vir Christus geluister na dit wat die ampsdraers van die Kerk biddend, soekend, met liefde, begrip en fyn aanvoeling tydens die afgelope AKV en ook vorige vergaderings, oor baie jare, besluit het?

Ek hoop dat ons elkeen ná die AKV sal beseef dat dit in die Kerk om Jesus Christus gaan. As dít gebeur, dan praat ons, dink ons en doen ons anders. Waar Christus in die middelpunt staan, hou mense op om hul eie standpunte vegtend te laat seëvier. Hulle beseef dat naas hul eie standpunt ander standpunte ook moontlik is en dat dit geakkommodeer kan word. Hulle is bereid om die minste te wees, veral as die saak waarom dit gaan nie werklik die hart van die evangelie in gedrang bring nie.

Waar Christus in die middelpunt staan, neem die Kerk se begrip en aanvoeling vir mense toe. Net so wyd soos Christus se genade, moet die Kerk se liefde vir mense wees. Die Kerk se liefde vir mense moet so wees dat dit gerig is op alle mense. Al die mense wat ons pad kruis. Al die mense wat in 2013 in Suid-Afrika, Afrika en die wêreld is.

Waar Christus in die middelpunt staan, is een van die kernvrae of die Kerk se huidige manier van doen die beste is vir die bevordering van die evangelie vir Jesus Christus. Is die Kerk se hantering van die Skrif, sy Kerkorde en besluite met betrekking tot die opleiding van predikante, die inrigting van eredienste, sy missionale gerigtheid, sy barmhartigheidsdiens en al die ander sentrale aspekte van kerkwees, steeds van so 'n aard dat die liefde van Christus en die uitbreiding van sy koninkryk die beste na ons vermoë gedien word? Is dit regtig so dat ons eie Hervormde etos in gedrang is, of is dit wat tans in die Kerk gebeur nie slegs die hervorming wat nodig is vir ons tyd nie?

Waar Christus in die middelpunt staan, is mense op die knieë. Kom ons bid saam met Paulus vir meer liefde. Kom ons hoop en bid dat die Heilige Gees so in ons sal werk dat ons weer, soos in die verlede, mekaar in liefde sal omhels en saamwerk niteenstaande verskille.

Prof Bieks Beukes, Durban-Suid



PREDIKANTE EN GEMEENTES


Stuur asseblief berigte oor lief en leed en gemeentegebeure na produksie@nhk.co.za. Die redaksie doen alles in hul vermoë om inligting korrek weer te gee, maar maak vanselfsprekend staat op die integriteit van die besonderhede soos verskaf.

- **Die 70ste AKV vind plaas van Sondag 22 tot Saterdag 28 September by die Aula, Universiteit van Pretoria. Daar sal nie daardie week, op Donderdag 26 September, 'n e-Hervormer verskyn nie.**



Ds Coen de Lange Diak Jan Lindeque

- Emerituspredikant **ds Coen de Lange** begin hierdie week met chemoterapie. Ons bid hom sterkte en beter gesondheid toe.
- **Dr Gerhard Lindeque** (Midstream) **se vader, Jan**, het op Donderdag 5 September 'n rugoperasie ondergaan. Jan, van Gemeente Swartkop, dien reeds langer as 50 jaar ononderbroke as diaken in die Kerk en is reeds meer as 25 jaar koster van Gemeente Swartkop. Ons bid hom algehele herstel toe.



Drr Anneke en Chris Viljoen

- **Drr Tanya van Wyk en Anneke Viljoen** het op Donderdag 5 September hul doktorsgrade van die Universiteit van Pretoria ontvang. Anneke se tesisitel was *An exploration of the symbolic world of Proverbs 10: 1 – 15: 33 with specific reference to 'the fear of the Lord'*. Sy het dit in April 2013 voltooi onder promotorskap van prof Pieter Venter. Tanya se tesisitel was *Die kerk as heterotopiese ruimte: 'n Trinitariese model vir die derde millennium*. Die studieleier was prof Johan Buitendag en die studie was in Dogmatiek en Christelike Etiek.



Ds Jan en Bets Prinsloo

- Baie geluk aan **prof Andries van Aarde** met die uitnodiging om aan die Joseph Ratzinger Benedict XVI Foundation se simposium getitel *The Gospels, Christological and Historical Research* deel te neem. Slegs 'n handjie vol Protestantse teoloë vanoor die hele wêreld is genooi na hierdie simposium wat van 24 tot 26 Oktober in die Vatikaan aangebied word.
- Ons verneem van Gemeente Lydenburg dat emerituspredikant **ds Jan Prinsloo en sy vrou, Bets**, op 6 April vanjaar 50 jaar getroud was. Baie geluk!

- **AKSIEGROEP VIR BEJAARDES.** Die meeste bejaardes sal weens hul gevoel van selfrespek en eiewaarde nie maklik kla of hulp vra nie. Hulle probeer eerder self oor die weg kom en stel sodoende hulself dikwels in gevaar. Die geheim vir elkeen van ons in die gemeente of gemeenskap lê daarin om met deernis die nood en behoeftes waar te neem. Daarop volg dat jy op taktvolle en barmhartige wyse 'n eie plan bedink om die bejaarde se vertrouwe te wen en, sonder om aanstoot te gee, hulp en ondersteuning te verleen. Moet asseblief nie soos die priester en Leviet maar net verbystap nie. Doen soos die barmhartige Samaritaan (Luk 10) moeite om met jou liefde en tyd daar te wees en 'n verskil te maak. Vir meer inligting, kontak die **ADV se Werkgroep vir Bejaardes (die AGB)** by 082 786 8448.

- Op Saterdag 7 September het verteenwoordigers van die **ring van Pietermaritzburg** in Durban bymekaargekom om te praat oor die broodnodige ondersteuning van bejaardes. By die geleentheid gereël deur **prof Bieks Beukes**, het **dr Hennie van Deventer**, voorsitter van die Aksiegroep vir Bejaardes, en **mev Magda van Deventer** die aanwesiges voorsien van 'n praktiese aksieplan waardeur daadwerklike bystand aan bejaardes in gemeentes en gemeenskappe verleen kan word. Ander ringe en gemeentes wat soortgelyke aksies van stapel wil stuur, kan die ADV se kantoor skakel, of direk vir dr Hennie van Deventer by 082 786 8448.



- **ADV SE JAAR VIR GESTREMDHEID. Respekteer en akkommodeer.** 'n Blinde met 'n gidshond of 'n kiere is heeltemal in staat om self oor die weg te kom. Bied vriendelik hulp aan wat gepas vir enige opgevoede persoon sou geld. As dit bedank word, aanvaar dit met vriendelikheid.

Spesiale eredienste en feesnaweke

- **Alle gemeentes: Sondag 15 September
Verootmoedigingsondag**
- **Gemeente Witfontein: 50-jaar-feesvieringe: 14-15 September**
Saterdag 14de: Almal trek tematies aan soos in 1963
50 potjies prut stadig gaar
Armand Thunder Merwe, The Singing Cowboy, tree op om 16:30
Sondag 15de: Dankdiens om 09:00
Saalkompleks se hoeksteenonthulling (na 13 jaar kontant voltooi!)
Watter jaar vir Witfontein – 50 jaar oud, 10de Delwersfees
en saalkompleks is voltooi!
Navrae aan Jimmy by 083 254 4771 of Janine by 083 260 0983
- **Gemeente Vaalpark: Uitreik na Dowes en hardhorendes
Sondag 29 September om 09:00**
hv Opperman- en Prinsbergstraat, Vaalpark
Gelei deur ds Jan-Harm Barkhuizen van Gemeente Weskus
Kontak Schalk by 083 236 3663 of Mardi by 083 233 3837 vir besonderhede
- **Gemeente Wonderboompoort: 60-jaar-viering: *Sixties*
25, 26 en 27 Oktober**
Op kerkterrein in Eloffsdal, Pretoria
Stuur groetewense, staaltjies, herinneringe en foto's vir gedenkblad
Baardgroeikompetisie vir die manne
Modeparade met toeka se klere vir die dames
Kontak skriba Sieg Schwarzer by 012 335 4181 vir meer inligting
Gedenkbladbydraes aan ds Carel-Johann de Bruin by cjdb@telkomsa.net
- **Gemeente Goede Hoop (Piet Plessis): 100 jaar
Feesnaweek 29 November tot 1 Desember**
Basaar en hoeksteenoprigting (met optrede deur sanger Pieter Smith)
asook Voorbereiding Saterdag
en Nagmaal en Danksegging met Doop Sondag
Gedenkalbum teen R440 plus posgeld
Kontak Dolla Coetzee by dollacoetzee@telkomsa.net
of 073 170 5325 om te bestel
Navrae aan ds Arno Nieuwhof by 073 240 6030
of arnonieuwhof@gmail.com of op sy Facebook-blad

Predikanteverjaardae

- **Die volgende predikante verjaar tot 20 September, en word hartlik geluk gewens.**
 - o Donderdag 12 September: Ds Mariaan Schutte (Nieu-Seeland)
 - o Vrydag 13 September: Dr Johann Beukes (Weltevreden)
 - o Saterdag 14 September: Dr Hennie Botes (emeritus)
 - o Sondag 15 September: Ds Pieter le Roux (Vaalharts)
 - o Maandag 16 September: Ds Stoffel Badenhorst (emeritus)
 - o Dinsdag 17 September: Di Willem Herbst (emeritus) en Piet Rautenbach (Nkana)
 - o Woensdag 18 September: Ds Peet Kruger (emeritus)



- o Donderdag 19 September: Di Attie Hattingh (Delareyville) en Kobus Pienaar (Kruin)
- o Vrydag 20 September: Ds Suzelle Lange (Rustenburg Jac van Belkum)

Beplande vergaderings

- o Donderdag 12 September: ADV Dagbestuur (telefoonkonferensie)
- o Vrydag 13 September: ADV-fondsverdeling
- o Saterdag 14 September: Ledevergadering NHSV Monumenttehuis NHSV Hoofbestuur
- o Maandag 16 September: ADV-redaksie
- o Dinsdag 17 September: ADV-kommunikasie
- o Woensdag 18 September: OSR-bestuur
- o Donderdag 19 September: Redaksie van *Die Hervormer* Ledevergadering Ons Tuis
- o Vrydag 20 September: Finkom van die OSR

Kursusse en toerusting

- **Toerusting van bejaardes in die ring van Klerksdorp**

Tema: *Alzheimers – Hoe voorkom 'n mens dit?*

Aangebied deur Gemeente Klerksdorp-Doringkruin se Goue Jare

Vrydag 13 September om 10:00 by die kerk

Tee en verversings sal bedien word

Spreker: Dr Hilda Kleynhans (direkteur van die Noordwes-streek vir Alzheimers)

Daar sal boeke oor Alzheimers te koop wees

Antwoord asseblief dringend

Tel 018 468 5545

Faks 086 688 7257

E-pos nhkoringkruin@telkomsa.net

Beskikbare behuising

- **Gemeente Philadelphia** het **akkommodasie** beskikbaar vir 'n **student**. Dit bestaan uit 'n privaatkamer met gemeenskaplike ablusie en kombuis. Dit is binne stapafstand van die Universiteit en daar is veilige parkeering. Die koste is R2 860 per maand, wat skoonmaakdienste een maal per week insluit. Kontak Elize Fourie by 012 362 7237 tussen 08:30 en 12:30 op weksdae, of dr Sanrie de Beer by 083 226 1866, of stuur 'n e-pos na philadelphia@nhk.co.za.
- **Louis Trichardt Monumenttehuis in Danville** bied enkel- en dubbelkamer-inwoning vir **bejaardes** wat nog selfversorgend kan funksioneer. Aangename huislike atmosfeer, 2 x etes ingesluit by losies, billike tariewe. Gereelde sosiale programme. Vir meer inligting, kontak mev Marie Hunter by 012 386 5310.
- **Andries-Marié Oosthuizen Monumenttehuis-woonstelle in Parys**
Daar is tans die volgende behuising vir senior burgers beskikbaar:
2 x enkelkamer met 3 etes, wasgoed en skoonmaak van kamer 1 x per week
1 x lieflike enkelkamer met eie kombuis, stoep en tuin,
met 3 etes, wasgoed en skoonmaak van kamer 1 x per week
R5 800 per maand
Kontak matrone Botha by 056 811 2185 vir meer besonderhede
- **Piet Potgieter Monumenttehuis in Mokopane (Potgietersrus)**
Die volgende akkommodasie is tans beskikbaar:
4 x kamers met eie geriewe, ontbyt en middagete ingesluit
Gesik vir selfversorgende bejaardes wat self hul kamer en wasgoed kan doen

Rustige, plattelandse dorp ideaal vir aftrede
Kontak bestuurder, mev Mariana van Tonder, by 015 491 6314

- **Gratis verblyf beskikbaar tydens die AKV einde September**
Kamer met 2 enkelbeddens (Erasmia)
Kontak Isme (Dalton) Gates by 082 962 2870

2013

COURT CLASSIQUE
SUITE HOTEL - PRETORIA

www.courtclassique.co.za

ALGEMENE KERKVERGADERING

Sondag 22 September – Saterdag 28 September 2013
AULA | UNIVERSITEIT VAN PRETORIA

Spesiale tariewe beskikbaar by die vier-ster
Court Classique Suite Hotel, Pretoria op 'n
BED & ONTBYT BASIS TEEN SLEGS
R670 per enkelkamer, per nag
Meld asseblief die kongres se naam tydens u
bespreking om die afslag te ontvang

Gratis vervoer na die AULA* | Gratis internettoegang
Naby aan Gautrain Hatfield | 58 Suites met ingeboude 'kitchenette'
Orange Restaurant op perseel | Swembad op perseel
*Terme & voorwaardes geld.

/CourtClassique
/CourtClassique
/CourtClassique.co.za

GAUTRAIN TRAVELLERS : Hatfield & Pretoria stations 5min away | Book a transfer or use the Park Street bus stop to reach us.
reservations@courtclassique.co.za | T: 012 344 4420 | 743 Francis Baard Street, Arcadia

Konserte en feeste

- **Saterdag 21 September om 09:00: Gemeente Hartebeeshoek Nataniël**
La Louise Venue, Willem Cruywagenstraat 155
Hestepark, Akasia
Koste: R170, koffie, tee en verversings na vertoning
Kontak Lizette Goosen by 082 539 1456
of Mariana de Villiers by 072 128 2692
- **Saterdag 5 Oktober om 14:30: Gemeente Turffontein in Johannesburg Damestee: Vrouedag met Sonja Herholdt**
NG Kerksaal, Dalehamstraat, Mondeor, Johannesburg
R100 per persoon
Skakel mev Pikkie van der Westhuizen by 083 320 8262
of Nellie Stipek by 083 449 6155 vir besprekings en besonderhede
Verversings sal bedien word

Kampe en toere

- **Toer saam na Israel en Egipte: 28 November tot 7 Desember 2013**
Beleef God in die voetspore van Jesus
Toerleiers: Ds Fanie Beukes en dr Francois Carr
Vir meer inligting, kontak ds Beukes by 073 167 1183
of per e-pos by faniebeukes@yahoo.com
- **Konteks-leserstoer na Turkye: 1 tot 17 Mei 2014**
15 dae op die voetspore van Paulus, Johannes en die eerste Christene
Toerleier: Prof Ernest van Eck
Kontak prof Van Eck by 012 420 3804 / 082 413 2332 /
ernest.vaneck@up.ac.za
of Louise Geyser (reisagent) by 012 361 0579 / 082 560 4279 /
louise.geyser@absamail.co.za



Sportbyeenkomste

- **Vrydag 4 Oktober: Gemeente Sasolburg: Gholfdag**
By die *Riviera on Vaal* Gholfklub in Vereeniging
Formaat is 'n *Betterball Stableford*
Koste beloop R1 500 vir 'n vierbal of R250 per individuele speler
Verversings ingesluit, verskeie pryse te wen
Kontak André by 083 225 2388 of kerkkantoor by 016 976 4903

Kompetisies en fondsinsamelings

- **Gemeente Hartebeeshoek: Lenteloop by Fonteinedal**
Saterdag 14 September
In Christus se voetspore Pretloop
Kom stap 5 km of 10 km
Hekke open om 06:00 vir kaartjieverkope
Pretstap begin stiptelik om 07:00
Te koop: vetkoek-en-maalvleis, pannekoek, koffie, tee, koeldrank
Kontantpryse en ander kleiner trekkings
Medaljes vir almal wat die stap voltooi
Navrae aan Elma Williams by 082 562 5244
- **Gemeente Bergsig: Bybeloop op Saterdag 19 Oktober**
09:00 tot 11:00
By Suiderbergschool In Denyssenlaan, Mountain View
R20 per persoon
Inskrywingsvorm beskikbaar by kerk of op die terrein vanaf 08:00
Donasievorms ook beskikbaar
Kontak ds Freddie Nortjé by 074 308 7332
of oudl Hannes de Wet by 082 424 3560
of Tina van der Schyff by 078 682 7093
- **Gemeentes Hartbeesfontein en Gerdau: Fondsinsameling 1000**
Wen-'n-boerdery en Noag-se-ark-skildery
Geleentheid om R50 000 in te samel
Pakket van 50 kompetisieboekies met 11 kaartjies in elke boekie
Betaal R5 000 vir pakket van R55 000
50 pryse te wen, in totaal meer as R100 000 werd
Wen plaasdiere, bokke, varke, duiwe en vele meer!
Trekking in Oktober 2013
Kontak Barry of Marthie Pretorius van Hartbeesfontein
by 018 431 0331, faks 086 550 1874 of barrypret@lantic.net
Verdere navrae aan ds Petrus Harmzen by 082 777 4253
- **Gemeente Witfield: Boog- en geweerjagkompetisie**
Sluitingsdatum 31 Mei 2014, trekking 1 Junie 2014
(Die kompetisie se sluitingsdatum van 31 Augustus 2013 is verleng na 31 Mei 2014 en die trekking uitgestel na 1 Junie 2014, omdat die kaartjieverkope tot dusver nie die prysgeld regverdig nie.
Navrae aan Alida Reed by 011 826 4625 op Dinsdae, Woensdae en Vrydae 09:30-14:00.)
Kaartjies: R100 donasie
1ste prys: Koedoebul, sebra, blouwildebees, 2 rooibokke, 2 blesbokke plus 5 dae en 4 nagte verblyf
2de prys: Blouwildebees, sebra, rooibok, blesbok plus 4 dae en 3 nagte verblyf
3de prys: Blouwildebees, rooibok, blesbok



plus 3 dae en 2 nagte verblyf
Geborg deur Chaan Bezuidenhout
Plaas se professionele jagter kan gebruik word
Kontak Alida Reed by 082 228 3552
of Chaan Bezuidenhout by 082 853 5895

Basaars en markte

- **Donderdag 12 tot Saterdag 14 September: Gemeente Bergsig Bergsigmark vanaf 10:00, Saterdag vanaf 08:00**
hv Karel Trichardt- & Leonidestraat, Mountain View
Stalletjies te huur @ R200 vir die 3 dae
Teetuin met gebak, sjokoladefontein en malvalekkers op 'n stokkie
Etes schwarmas en pappadoms met vleisgeregte
Saterdag
Demonstrasies van skilderkuns deur mondschilders
Delwersoektog, potjiekoskompetisie, skyfskiet
Groot pryse te wen
Kontak Tina by 078 682 7093
- **Vrydag 13 September 13:00-18:00: Gemeente Rietvallei Lentejoligheid**
Te Laerskool Elarduspark
Koeke en ander gebak, skilpadjies, kerrie-en-rys, poedings, pannekoek
Boereworsrolle, pap-en-kaiings, koeldrank, lekkers, tee, koffie...
Ou klere, gelukspakkies, tombola
Kompetisies, speletjies, verfbal, springkastele
Musiek, veiling van oudhede, ou boeke en CD's
Musiek deur ATKV Jong Kunstenaars
Skilpadjies kan vooraf bestel word by Manie 082 572 6212
Navrae aan gemeentelike kerkkantoor by 012 345 3143
- **Saterdag 26 Oktober: Gemeente Kempton Park-Oos KPO Lekker Kuier Kontreifees**
Uitstallers en kosstalletjies
Gaskunstenaar Die Flooze (Sorina)
Toegang R20 per persoon
Kom geniet 'n heerlike dag
Kontak Anneline by 082 924 7344 of Marius by 072 778 1033

ANDER NUUS

- **VAKANTE POSTE: MAATSKAPLIKE WERKERS**
Die Ondersteuningsraad is 'n geregistreerde welsynsorganisasie wat maatskaplike dienste lewer. Die OSR beskik tans oor vakante maatskaplikewerkposte by die volgende kantore:
 - o Brakpan (2 voldagposte)
 - o Elsburg (1 voldagpos)
 - o Vanderbijlpark (1 6/8ste pos)
Applikante moet aan die volgende vereistes voldoen:
 - o Moet beskik oor 'n maatskaplikewerkgraad of kan 'n finalejaar (studies voltooi einde 2013) maatskaplikewerkstudent wees.
 - o Moet oor 'n geldige rybewys beskik.
 - o Moet by die Raad vir Maatskaplike Diensberoeperegistreer wees.

Kontakbesonderhede vir CV

Tel 012 322 8885 x290 (mev Ansie Cromhout), faks 012 322 5787
E-pos: oraad@nhk.co.za

- **VAKATURE: ASSISTENTVERPLEEGSTER**

By Andries-Marié Oosthuizen Monumenttehuis in Parys, Vrystaat

Tehuis vir verswakte en selfversorgende bejaardes

Pligte: Algemene versorging van inwoners, bedwas

en kliniekdienste soos die neem van bloeddruk

Vereistes: Goeie interpersoonlike en kommunikasievaardighede

Vorige ervaring in veld van verpleging van bejaardes sal sterk aanbeveling wees

Moet geregistreer wees by die Verpleegstersraad

Normale diensvoorwaardes

Stuur CV aan mev A Botha, faks 056 817 7525 of e-pos hf@otmt.org

- **BEELD-KINDERFONDS**

- **Wen 'n Peugeot**

SMS PEUGEOT na 32541 of SMS KINDERS na 32541

R25 per SMS

- **Kerskonsert**

Woensdag 27 November in Pretoria

R110 en R155

Navrae aan Adrie van Staden by 011 976 2273 / 073 749 2697

Besoek www.beeldkinderfonds.co.za

- **ONDERWYSERSOPLEIDING**

Die **Rapport Onderwysfonds** (gestig in 2003) is 'n landwyse nie-winsgewende weldaadsorganisasie (NPO-041-391) wat leningsbeurse aan Afrikaanssprekende onderwysstudente gee. **Onderwysstudente kan nog tot 16 September 2013 by www.rof.org.za aansoek doen om leningsbeurse vir 2014.**

Besig om te skei?
Verward?
Wat van die Kinders?
Onderhoud!

Mediasie is die antwoord!

- 'n Mediator help elkeen om ingeligte besluite te neem.
- Ouers en die mediator werk 'n ouerskapplan uit in beste belang v/d kind.
- Mediasie ingevolge die Kinderwet 38 van 2005.
- Voogdyskap / besoeke.



☎ Rudi Rust 074 550 3000
✉ mediators@mweb.co.za
🌐 www.mediators-vaal.co.za

Mediators by **Mediators@Vaal** is by SAAM en NABFAM geakkrediteer

- **PREDIKANTESEMINAAR**

Maandag 14 Oktober 09:00 tot 16:00

Tema: *Tussen-Testamentêre Tydperk / Tweede Tempelperiode – stil of nie?*

Noordwes-Universiteit, Potchefstroom-kampus

Kamer 204, Fakulteit Teologie

Aanbieders dr Jacobus de Bruyn, mnr Eugene Coetzer en prof Pierre Jordaan

Alle kerkverbande se leraars word uitgenooi

Dien as verdere opleiding vir predikante

R320 per persoon, sluit middagete en verversings in

Inskrywings teen **Vrydag 20 September** op die laatste

Navrae aan dr Jacobus de Bruyn by 072 606 1661 /

jacobus.debruyn@gmx.com

- **BYBELGENOOTSAP**

Bybelgebaseerde geletterdheidsprogram nou beskikbaar

My 2de Bybel Doen en Leer Boek

Engels: *My 2nd Bible Do and Learn Book*

Gebaseer op die Doen-en-Leer-metode van dr Rose Botha van Ghoené Bemarking Enigeen wat kan lees, sal met behulp van die handleiding en flitskaarte ander kan help om die basiese vaardighede te bemeester
Gratis vir gebruik deur skole of groepe wat dit nie kan bekostig nie
Vir diegene wat kan betaal, is die boekies te koop by die Bybelgenootskap teen slegs R10 per eksemplaar
Skakel met die Bybelhuis naaste aan u
of stuur 'n e-pos aan mev Sharon Johnson by johnson@biblesociety.co.za

Advertensies in die e-Hervormer

Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in die e-Hervormer geplaas word. Indien 'n jpg-weergawe van die advertensie voorsien word, moet dit **verkieslik nie groter as 'n standaard besigheidskaartjie** wees nie. Stuur die voorgestelde **teks van nie meer as 110 woorde** met of sonder eenvoudige grafika of 'n foto saam met die bewys van betaling aan mev Tessa Oppermann, per faks na 086 633 4059, of per e-pos na produksie@nhk.co.za. GEEN advertensie sal geplaas word sonder die betalingsbewys nie.

Die **teks en bewys van betaling** moet mev Oppermann bereik teen 16:00 op die Dinsdag voor die betrokke uitgawe se verskyning. Die e-Hervormer word normaalweg Woensdae saamgestel en verskyn dan die Donderdag. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasings. **Die koste is R150 per plasing (BTW ingesluit).** Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, **verwysing: u naam + e-Hervormer Ads.**

AGTERBLAD

Vanuit die Sinodale Kantoor

Skiktyd (fleksietyd) is met ingang van Maandag 9 September vir 'n proefperiode by die Sinodale Kerkkantoor ingestel.

Daar sal sorg gedra word dat die Kantoor ten minste van 08:00 tot 16:00 beman sal wees, maar daar behoort nou selfs van 07:00 tot 17:00 personeellede aan diens te wees. Gemeentes en predikante is welkom om hul ervaring met die nuwe kantoorure met ons te deel. Rig enige terugvoer, hetsy positief of negatief, aan Piet Beukes by piet@nhk.co.za of Elmar Struwig by elmar@nhk.co.za.

Neem asseblief ook kennis dat die Sinodale Kerkkantoor op Vrydag 13 September gesluit sal wees.

